



Antiqvae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

XIII. Privilegivm Calixti.

[urn:nbn:de:hbz:466:1-64160](https://nbn-resolving.de/urn:nbn:de:hbz:466:1-64160)

PRIVILEGIVM CA-
LIX TI.

XIII.



ALIxtus Episcopus seruus seruorum
Dei venerabili fratri OTTONI BABER-
GENSI Episcopo salutem & Apostolicam
benedictionem.

Bonis fratrum nostrorum studijs, non solum fauere, sed
ad ea ipsorum etiam debemus animos incitare. Tuis ergo
charissime & venerabilis frater OTTO Babergensis Epi-
scope supplicationibus inclinati, monasteria, quæ ipsi pro-
prijs sumptibus extruxisti, & Babergensi Ecclesiæ confe-
rēs Apostolicæ sedis roborari minime quæsiuisti, in bea-
ti Petri eiusq; Romanæ Ecclesiæ protectione suscipimus,
contra prauorum hominum nequiciam, defensanda. Sta-
tuimus ergo, ut possessiones, prædia & bona omnia, quæ &
fraternitas tua eisdem monasterijs diuini amoris intuitu
contulit, quæque aliorum fidelium iusta oblatione con-
cessa sunt, aut in futurum iuste, legaliterè acquiri vel of-
ferri contigerit, firma eis & illibata domino auctore per-
maneant. Ordinationes sane Abbatum vel monachorum
seruorum à Catholicis Episcopis diecesanis accipiant. Re-
rum vero ipsorum monasteriorum curam & administra-
tionem in tuo tuorumq; successorum arbitrio & potesta-
te manere censemus. Nulli itaque hominum facultas sit
eadem monasteria perturbare, aut eorum possessiones
aufferre, vel ablatas retinere, minuere, vel temerarijs fa-
tigationibus vexare; sed omnia integra conseruentur
eorum, per quorum sustentationem & gubernationem
concessa sunt vobis commodis profutura. Si qua igitur
Ecclesiastica, sacerdotiæ persona, hanc nostræ constitu-
tionis paginam sciens, contra eam temere venire tempta-
uerit,

uerit, secundo, tertioue commonita, si non satisfactio-
ne congrua emendauerit, potestatis, honorisq; sui digni-
tate careat, reamque se diuino iudicio existere de perpe-
trata iniquitate cognoscat, & à sacratissimo corpore & sâ-
guine Dei & Domini redemptoris Iesu Christi aliena fiat;
atque in extremo examine distriictæ ultioni subiaceat.

Cunctis autem eisdem monasterijs iusta seruantibus, sit
pax Domini nostri Iesu Christi, quatenus & hic fructum
bonæ actionis percipient, & apud districatum iudicem,
præmia æternæ pacis inueniant.

Scripta per manum GERVASII SCRINIARII regiona-
rij & notarij sacri palatij.

Sed sicut in rebus temporalibus perpetuam securita-
tem, & immunitatē, suis coenobijs, per Apostolicam auto-
ritatem prouidere studuit, ita in religione & disciplina spi-
rituali stabilitatem atq; iminutabilitatem monastici Ordini-
nis eiusdem sacræ sedis auctoritate corroborauit, sicut in
privilegio quod à domino INNOCENTIO Papa accepit,
perspicuè considerari potest.

ITEM PRIVILEGIUM

Innocentii Pape.

INNOCENTIVS Episcopus seruus seruo-
rum Dei, Venerabili fratri OTTONI BABER-
GENSI Episcopo, eiusq; successoribus canonice
substituendis salutem & Apostolicam bene-
dictionem.

Quotiens à nobis petitur illud, quod religioni & hone-
stati conuenire cognoscitur, animo nos decet libenti con-
cedere, & congruum impartiri suffragium, ut fidelis de-
votio celerem sortiatur effectum. Proinde venerabilis
frater Otto Episcope, petitionis desiderijs tuæ ex cōsue-

Yy

tate-

XIII.